



FAMILI

Oleh **Faizatul Farlin Farush Khan**
ffarlin@metro.com.my

Sejak kecil, Yuri Azzari Yuri Zaharin, 26, menunjukkan kecenderungan yang tinggi terhadap lukisan walaupun dia dikenali menghidap autisme.

Autisme ialah satu keadaan yang mampu merjeaskan interaksi sosial, komunikasi sama ada melalui perkataan atau perbuatan serta kelakuan yang berulang-ulang.

Minatnya yang mendalam terhadap lukisan mendorong ibu bapanya membuat keputusan menghantarnya kepada bimbingan daripada pelukis terkenal di negara ini, Raja Azhar Raja Idris.

Melihat hasil lukisannya jelas menunjukkan Yuri Azzari seorang yang kreatif dan mempunyai bakat seni tersendiri.

Hasil lukisannya bukan calang-calang kerana ia mendapat permintaan, malah dijual pada harga mencecah ribuan ringgit bagi setiap satu terutama dalam kalangan peminat lukisan.

Bakat seninya menda-

par perhatian ibu bapanya, Dr Che Ain Abdul Ghani dan Yuri Zaharin Wahab yang mahu menyediakan segala yang terbaik buat anak sulung mereka.

Menurut Che Ain, dia mula menyedari bakat yang ada pada anaknya ketika usianya sekitar tiga tahun apabila dia pasti menconteng setiap kali memegang pen atau pensel.

Katanya, ketika usia Yuri Azzari mencecah 18 bulan iaitu waktu yang sepatutnya kanak-kanak mula bercakap, anaknya masih tidak menunjukkan kemahiran bertutur membuatkan dia membawanya bertemu pakar.

"Saya membawanya ke pakar audiologi bagi memeriksa pendengaran anaknya dan ketika itulah, saya mendapat tahu dia sebenarnya menghidap autisme.

"Dia masih tidak boleh berkata kata dan hidup dalam dunia sendiri. Saya tidak pasti apa yang bermain dalam fikirannya kerana tidak diluahkan tetapi kami tahu dia minat melukis.

"Kami menghantarnya ke sekolah biasa dan belajarnya di kelas istimewa. Dari segi akademik, dia memang menunjukkan minat pada lukisan, lalu kami berusaha menghantarnya belajar lebih mendalam dalam bidang

ANUGERAH teristimewa

Yuri Azzari pelukis berbakat walaupun dirinya penghidap autisme



YURI Azzari (tengah) bersama ibu bapanya bergambar dengan lukisannya di pameran Nukilan Jwa.



GIRANG bersama ayahnya.



MINAT melukis sejak kecil.



YURI Azzari bergambar bersama sekumpulan anak istimewa yang turut mempamerkan hasil seni mereka.

seni itu," katanya.

Che Ain ditemui pada majlis gradasi program bimbingan seni istimewa, Nukilan Jwaku, anjuran Yayasan Maybank di Balai Seni Menara Maybank, Kuala Lumpur, baru-baru ini.

Menurutnya, dia kemudian menggalakkan Yuri Azzari menyertai pameran lukisan sejak enam tahun lalu dan ia memberi pengalangan baru kepada anaknya itu apabila lukisan yang dihasilkan menjadi perhatian dan mula mendapat permintaan.

Antara pameran lukisan yang disertainya ialah Art Case Gallery (2012), Publika Art (2015) dan Nukilan Jwaku (2015).

Katanya yang juga seorang penyarah bahasa di Universiti Putra Malaysia (UPM), Yuri Azzari banyak menumpukan pada tema persekitaran selain menggunakan media akrilik untuk menghasilkan lukisan.

Ibu kepada lima anak itu berkata, sesuatu yang menonjol mengenai anaknya itu apabila dia sentiasa membawa bersama buku lukisan untuk membuat contengan seolah-olah ia menjadi idea kepada lukisan terbarunya.

"Ketika dia melukis, dia sangat khusyuk dan dia melukis kira-kira tiga hingga empat jam untuk menyiapkan satu lukisan, selain melukis dengan pantas.

"Apa yang saya lihat mengenai anak yang mengalami autisme, mereka memang nampak lebih cenderung kepada kerja seni seperti bermain alat muzik ataupun menghasilkan kraf," katanya.

Menurutnya, sebagai anak sulung daripada lima beradik, Yuri Azzari tidak berbalas atau bermain bersama adik-adiknya, namun ia sudah dianggap kebiasaan dan semua adiknya juga sudah cukup faham dengan keadaan itu.



ANTARA lukisan dihasilkan Yuri Azzari.